



Broj:10/1-38-14718-3/14

Rješenje je postalo pravosnažno

Dana: 14.04. 2015 godine

14..04.2015 godine

Na osnovu člana 34. stav (6). Zakona o visokom obrazovanju („Službene novine Tuzlanskog kantona“, broj:08/08, 11/09, 12/09, 13/12, 16/13, 7/14 i 8/14) i člana 28. stav (5) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj:18/13 i 9/14), u postupku rješavanja po zahtjevu visokoškolske ustanove Javna ustanova Univerzitet u Tuzli, ministrica obrazovanja, nauke, kulture i sporta Tuzlanskog kantona donosi:

R J E Š E N J E

O AKREDITACIJI VISOKOŠKOLSKE USTANOVE JAVNA USTANOVA UNIVERZITET U TUZLI

1. Akredituje se Visokoškolska ustanova Javna ustanova Univerzitet u Tuzli (u daljem tekstu: Univerzitet u Tuzli).
2. Univerzitet u Tuzli je ovlašten da dodjeljuje akademske stepene i diplome koji se stiču izvođenjem studijskih programa na ovoj ustanovi.
3. Rješenje o akreditaciji izdaje se na period od šest godina.
4. Obavezuje se Univerzitet u Tuzli da najkasnije šest mjeseci prije isteka roka iz tačke 3.ovog rješenja podnese zahtjev za reakreditaciju.
5. Rok iz tačke 3. ovog rješenja teče od dana pravosnažnosti ovog rješenja.

O B R A Z L O Ž E N J E

Univerzitet u Tuzli je podnio Ministarstvu obrazovanja, nauke, kulture i sporta Tuzlanskog kantona(u daljem tekstu: Ministarstvo) zahtjev za institucionalnu akreditaciju.

Podneseni zahtjev Ministarstvo je zaprimilo pod brojem: 10/1-38-014718/14 od 27.06.2014. godine. Nakon što je Ministarstvo utvrdilo kompletnost dokumentacije potrebne za provođenje postupka akreditacije aktom broj: 10/1-38-017446/14 od od 25.07.2014. godine, je zaprimljeni zahtjev dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova domaćih i

međunarodnih stručnjaka Komisije stručnjaka za akreditaciju visokoškolske ustanove Univerzitet u Tuzli (u daljem tekstu: Komisija).

Nakon što je utvrđeno da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), da predloženi broj i sastav Komisije je u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11) (u daljem tekstu: Odluka), kao i da predloženi stručnjaci nisu u sukobu interesa prema Univerzitetu u Tuzli, Agencija je u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-01-583-5/14, od dana 09.09.2014. god.

Komisija je u skladu sa Planom i programom posjete visokoškolskoj ustanovi, realizirala posjetu 13. i 14. novembra 2014. god., te nakon toga sačinila preliminarni Izvještaj o eksternoj evaluaciji, koji je dostavila visokoškolskoj ustanovi radi davanja saglasnosti na isti. Nakon što je visokoškolska ustanova dala saglasnost na tekst Izvještaja, Komisija je izradila finalni Izvještaj o eksternoj evaluaciji Univerziteta u Tuzli.

Dana, 25. 02. 2015. god. Agenciji je dostavljen finalni Izvještaj o eksternoj evaluaciji Univerziteta u Tuzli u kojemu je data analiza kvaliteta ove ustanove i mišljenje Komisije o punoj akreditaciji Univerziteta u Tuzli, jer je stepen usklađenosti svih kriterija za akreditaciju ocjenjen, na osnovu obezbjeđenih dokaza, kao potpuno ili znatno ispunjen.

Na osnovu Izvještaja i mišljenja Komisije da visokoškolska ustanova Univerzitet u Tuzli ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH dala je Preporuku o akreditaciji broj: 05-33-1-583-7/14 od 18.03.2015. god. i istu dostavila Ministarstvu na daljnje postupanje.

Na osnovu naprijed navedenog, Ministarstvo je cijenilo da su ispunjeni svi propisani uslovi za izdavanje institucionalne akreditacije podnosiocu zahtjeva, te je donijelo odluku kao u dispozitivu.

Pravna pouka: Protiv ovog rješenja može se izjaviti žalba u roku od 15 dana od dana prijema rješenja. Žalba se izjavljuje Agenciji za razvoj visokog obrazovanja i osiguranje kvaliteta Bosne i Hercegovine, a podnosi se putem Ministarstva obrazovanja, nauke, kulture i sporta Tuzlanskog kantona.

DOSTAVLJENO:

- 1 x JU Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a
- AB/AJ

